

GJYKATA THEMELORE NË PRISHTINË  
P.Kr nr.18/14  
PPS Nr. 38/09  
Numri i gjykatës: GJPP Nr. 138/09  
13 mars 2014

## NË EMËR TË POPULLIT

Gjykata Themelore e Prishtinës në trupin gjykues të përbërë nga Gjyqtarja e EULEX-it Mariola Pasnik si Kryetare e Trupit Gjykues, Gjyqtarja e Kosovës Suzana Cerkini dhe Gjyqtarja e EULEX-it Marie Tuma si anëtarë të trupit gjykues, të ndihmuar nga procesmbajtësi David Hegarty dhe Zeqir Shabani si përkthyes, në lëndën penale kundër:

<b>Emri</b>	<b>S.</b>
<b>Mbiemri</b>	<b>T.</b>
<b>Gjinia</b>	Mashkull
<b>Kombësia</b>	Shqiptar
<b>Nënshtetësia</b>	Republika e Shqipërisë
<b>Gjendja Ekonomike</b>	E dobët deri në mesatare
<b>Shkollimi</b>	4 vite shkollë fillore
<b>Statusi Familjar</b>	I martuar, fëmijë
<b>Procedura të tjera penale në zhvillim :</b>	Asnjë.
<b>Dënime të Mëparshme</b>	Asnjë.
<b>Paraburgimi dhe Statusi i Masave sipas kapitullit XXX</b>	Në paraburgim që nga 1 korriku 2011

I cili akuzohet me akuzat si në vijim

### PIKA 1

**BLERJA, POSEDIMI, SHPËRNDARJA DHE SHITJA E PAAUTORIZUAR E NARKOTIKËVE TË RREZIKSHËM DHE E SUBSTANCAVE PSIKOTROPIKE, E KRYER NË BASHKË-KRYERJE**, në kundërshtim me Nenin 229, paragrafët 1, 2, 3 dhe 4 të Kodit Penal të Kosovës (KPK) në lidhje me Nenin 23, dhe e dënueshme me një gjobë dhe me burgim prej tre deri në pesëmbëdhjetë vjet, apo në mënyrë alternative, qëllimisht ka ndihmuar në kryerjen e kësaj vepre penale siç parashihet me Nenin 25 të KPK.

**Sepse** ndërmjet 24 korrikut 2009 dhe 15 shtatorit 2009, **S.T.** ka kryer veprën e blerjes, posedimit, shpërndarjes dhe shitjes së paautorizuar të narkotikëve të rrezikshëm dhe të substancave psikotropike

duke marrë pjesë në eksportimin nga Shqipëria në Kosovë dhe transportimin përmes Kosovës për eksport në vendet e Evropës Perëndimore duke përfshirë Zvicrën të një dërgese të heroinës si pjesëtarë të një grupi.

## **PIKA 2**

BLERJA, POSEDIMI, SHPËRNDARJA DHE SHITJA E PAAUTORIZUAR E NARKOTIKËVE TË RREZIKSHËM DHE E SUBSTANCAVE PSIKOTROPIKE, E KRYER NË BASHKË-KRYERJE, në kundërshtim me Nenin 229, paragrafët 1, 2, 3 dhe 4 të Kodit i Përkohshëm Penal i Kosovës (KPPK) në lidhje me Nenin 23, dhe e dënueshme me një gjobë dhe me burgim prej tre deri në pesëmbëdhjetë vjet.

**SEPSE** në mes të datës 01 tetor 2009 dhe 25 nëntor 2009, **S.T.** ka kryer veprën e blerjes, posedimit, shpërndarjes dhe shitjes së paautorizuar të narkotikëve të rrezikshëm dhe të substancave psikotropike duke marrë pjesë në eksportimin nga Shqipëria në Kosovë dhe transportimin përmes Kosovës për eksport në vendet e Evropës Perëndimore duke përfshirë Zvicrën, Holandën, Italinë dhe/ose Gjermaninë, të një dërgese me së paku 109kg cannabis sativa si pjesëtarë i një grupi.

## **PIKA 3**

KRIMI I ORGANIZUAR, në kundërshtim me Nenin 274 paragrafët 1, 2 dhe 3 të KPPK-së, e dënueshme me burgim prej së paku pesë vjet.

**Sepse** ndërmjet 24 korriku 2009 dhe 25 nëntor 2009, **S.T.** në territorin e Kosovës kryen veprën e krimit të organizuar duke marrë pjesë aktivisht në veprimtari kriminale apo të tjera të grupit të organizuar kriminal së bashku me **6 pjesmares tjere**, dhe bashkëkryerës të tjerë të paidentifikuar, duke e ditur se pjesëmarrja e tij do të kontribuonte në kryerjen e veprave të rënda penale nga grupi i organizuar kriminal domethënë blerja, posedimi, shpërndarja dhe shitja e paautorizuar e narkotikëve të rrezikshëm nga Shqipëria në Kosovë dhe më tej në vendet në Evropën Perëndimore, *inter alia*, Slloveni, Itali, Gjermani, Zvicër dhe/apo Holandë.

**PAS** mbajtjes së seancave të shqyrtimit gjyqësorë në gjykim të hapur më 04 mars 2014, 11 mars 2014 dhe 12 mars 2014, në prani të të Akuzuarit **S.T.**, avokatit të tij mbrojtës dhe në prani të Prokurorit Special të EULEX-it Charles Hardaway nga Prokuroria Speciale e Kosovës, pas këshillimit dhe votimit të mbajtur më 12 mars 2014, në përputhje me nenin 391, paragrafi (1) të Kodit të Përkohshëm të Procedurës Penale të Kosovës (“KPPK”), sipas Nenit 392 paragraf (1) KPPK dhe Neneve 385, 386 dhe 387 të KPPK, më 13 mars 2014, në gjykim të hapur dhe në prani të të pandehurit, avokatit të tij mbrojtës dhe Prokurorit të EULEX-it nga Prokurorisë Speciale, Gjykata shqipton dhe shpallë këtë

---

## AKTGJYKIM

---

**S.T.**, me të dhënat personale si më sipër, në paraburgim që nga 01 korrik 2011 është gjetur si në vijim:

Duke u mbështetur në nenin 389 paragrafi 1 të KPPK-së,

Pika 1:           **REFUZOHET** sepse prokurori e ka tërhequr akuzën gjatë shqyrtimit kryesor;

Po ashtu, duke u mbështetur në nenin 391 të KPPK-së,

Pika 2:           **FAJTOR** për BLERJE, POSEDIM, SHPËRNDARJE DHE SHITJE TË PAAUTORIZUAR TË NARKOTIKËVE TË RREZIKSHËM DHE E SUBSTANCAVE PSIKOTROPIKE, E KRYER NË BASHKË-KRYERJE DHE NË KUNDËRSHTIM me Nenin 229, paragrafi 1, 2, 3 dhe 4 i Kodit të Përkohshëm Penal Kosovës (KPPK) në lidhje me Nenin 23 të tij

**SEPSE** në mes të datës 01 tetor 2009 dhe 25 nëntor 2009, **S.T.** ka kryer veprën e blerjes, posedimit, shpërndarjes dhe shitjes së paautorizuar të narkotikëve të rrezikshëm dhe të substancave psikotropike duke marrë pjesë në eksportimin nga Shqipëria në Kosovë dhe transportimin përmes Kosovës për eksport në vendet e Evropës Perëndimore duke përfshirë Zvicrën, Holandën, Italinë dhe/ose Gjermaninë, të një dërgese me së paku 109kg cannabis sativa si pjesëtarë i një grupi.

Po ashtu, duke u mbështetur në nenin 391 të KPPK-së,

Pika 3:           **FAJTOR për KRIM TË ORGANIZUAR**, në kundërshtim me Nenin 274 paragrafin 2 të KPPK-së.

**Sepse** ndërmjet datave 24 korrik 2009 dhe 25 nëntor 2009, **S.T.** në territorin e Kosovës ka kryer veprën e krimit të organizuar duke marrë pjesë aktivisht në veprimtari kriminale apo të tjera të grupit të organizuar kriminal së bashku me **6 pjesmares tjere**, dhe bashkëkryerës të tjerë të pidentifikuar, duke e ditur se pjesëmarrja e tij do të kontribuonte në kryerjen e veprave të rënda penale nga grupi i organizuar kriminal domethënë blerja, posedimi, shpërndarja dhe shitja e paautorizuar e narkotikëve të rrezikshëm

nga Shqipëria në Kosovë dhe më tej në vendet në Evropën Perëndimore, *inter alia*, Slloveni, Itali, Gjermani, Zvicër dhe/apo Holandë.

**PRANDAJ**, për arsyet e mësipërme, Gjykata shqipton dënimin në vijim:

Duke qenë se është gjetur fajtor sipas Pikës 2 për Blerje, posedim, shpërndarje dhe shitje të paautorizuar të narkotikëve të rrezikshëm dhe substancave psikotropike sipas Nenit 3 paragraf 2 të KPK dhe Nenit 229, paragrafi 4 i KPK-së, Nenit 66 paragrafi 2, Nenit 67 paragrafi 1 nën-paragrafi 2 dhe Nenit 39 paragrafët 1 dhe 2 KPPK-së, i akuzuari dënohet me burgim prej 2 (dy) vite e 6 (gjashtë) muaj burgim, dhe me gjobë prej 400 € që duhet paguar brenda dy muajve.

Duke qenë se është gjetur fajtor sipas Pikës 3 për Krim të organizuar, bazuar në Nenin 3 paragrafi 2 të KPK dhe Nenit 274 paragrafin 2 dhe Nenit 66 paragrafi 2, Nenit 67 paragrafi 1 nën-paragrafi 2 të KPPK-së, i akuzuari dënohet me burgim prej 3 (tre) vite e 11 (njëmbëdhjetë) muaj burgim.

Duke u mbështetur në nenin 71, paragrafin 2 nën-paragraf 2 të KPPK-së, Gjykata shqipton dënimin unik me burgim prej (katër) 4 vitesh.

Duke u mbështetur në nenin 73 paragrafin 1 të KPPK-së dhe nenin 393 paragrafin 1, nën-paragrafin (5) të KPP-së, koha e kaluar në paraburgim prej 01 korriku 2011 deri me këtë date do të llogaritet në këtë dënim burgu.

Duke u mbështetur në Nenin 54 paragrafin 2 nën-paragrafin 7 dhe Nenin 60 paragrafin 1 të KPPK-së do të konfiskohet telefoni mobil Nokia, me ngjyrë të zezë, modeli 1280, që i përket S.T. me numër IMEI

Duke u mbështetur në nenin 102, paragrafin 4 të KPPK-së i akuzuari lirohet nga detyrimi për pagesën e shpenzimeve të procedurës që do të paguhen nga burimet buxhetore.